

續修四庫全書

《續修四庫全書》編纂委員會編

續修四庫全書

上海古籍出版社

一六三四・集部・總集類

欽定全唐文一千卷總目三卷（卷一至卷四十八）

〔清〕董誥等輯

御製全唐文序



天地大文日月山川萬古昭著者也人受天地之中以生經世載道立言牖民觀乎人文以化成天下文之時義大矣哉我朝右文圖治一道同風

欽定全唐文序

序

一

皇考欽定四庫全書嘉惠士林頒行海宇固已家絃戶誦久道化成無遠弗被矣予近得唐文一百六十冊幾暇披閱覺其體例未協選擇不精乃命

欽定全唐文序

序

二

儒臣重加釐定每得數卷親定去留仍從四庫全書及永樂大典古文苑文苑英華唐文粹諸書內蒐羅採取普行甄錄而原書內亦有誤收之文及有闕風化之作悉刪除不載偽周編造之字皆改正之累月經年共成書千卷文萬有八千四百八十八篇命名曰全唐文敬遵

聖祖仁皇帝命名全唐詩之意也夫三代以上典謨訓誥四子

五經皆大文也漢魏兩晉及前五代漸涉浮靡清談亂政至唐起八代之衰彬彬郁郁以文輔治用昭立言極則非徒獵取科名之具也世道人心日流日下舍正趨邪者不

欽定全唐文序

三

可勝數良可慨也故予之輯斯全唐文示士林之準則正小民之趨向也書内存釋道諸文四十餘卷非二氏之學乎殊不知今世奸惡之徒創為邪書蠱惑癡愚併二氏之

不若也文章為政事之大本從身心性命中發出所謂言者心之聲也正人所言皆正所行皆正正文風以端士習端士習以厚風俗相因而至經正民興理不易也有唐一

欽定全唐文序

四

代人文蔚起書中撰文者三千四十二人亦有言行相符者亦有言與行違者舍短取長不以人廢言也此書敬沿御定全唐詩例備載五代帝王臣工文所謂述而不作也至釋

道之章兕偈頌等類全行刪

去以防流弊以正人心書既

成書數語於簡端使天下士

庶曉然知予輯全唐文之本

意屏斥邪言昌明正學咸歸

正道共登右文盛世是予願

也

嘉慶十九年閏二月十二日

欽定全唐文

序

五

經筵講官 太保 文華殿大學士 文淵閣領閣事 尚書房行走稽臣 董誥等跪
奏為奉

勅編輯全唐文告成恭呈

睿覽臣等謹奉

表恭

進者伏以

乾符啟維八風賡循道之章

泰筴呈蒿六寓煥同文之治

引珠光於斗極聯曜台階

欽定全唐文

表

一

揚玉彩於河潢滙流瀛甸華飛沈露鏘鳳吹於琅函奧

衍叢雲秘龍威於瓊笈文甄一代錄著千家臣等誠

懽誠幸稽首頓首上言竊惟崇山宗海曾緘蕭統之

文概日凌雲風勒徐陵之序綜逸編於楚漢壁碎璣

零標麗句於齊梁花明雪潔探驪秘閣孫巨源窺宛

委之藏檢蠹經龕韓無咎緝瑯嬛之富錄名臣於晉

代紀能賦於梁園歐陽類聚之編虞監書鈔之博靡

不家提玉尺人擅金鑰淵掣鯨鬚巖遶鵝毳逮自咸

通類表始斷代以成書長慶題名因並時而合集三

百家叔陽之彙纂部次州居五十卷吉甫之編排綺
交繡錯擷羣書之麗藻絳闕瓊華披寶刻之叢章雷
文雲篆豈獨名傳搜玉英靈配河嶽之篇句綴聯珠
伯仲奏璣璣之雅題襟漢上簡牘麤存名集篋中菁
華偶拾然而晏元獻之續蕭選殿唐彥於陰何李康
成之倣徐編冠陳文於盧駱子明已邈誰珍昌谷之
才公武不逢難訂下賢之冊從未有始終條理萃二
十帝而文集大成鉅細包羅統三百年而書釐全帙
廣求鈔本重付衆雕如

欽定全唐文

表

三

今日者也欽惟

皇帝陛下

金鑑澄懷

珠囊朗握

炳辰樞而叶緯太乙揚輝

膺甲錄以恢綱先庚渙號交華同穎

鴻章提萬代之文衡紀事編年狐史

正百王之道統光浮綠錯十華編玉之藏蘊聞丹壺四徹

中繩之博素牙朱帶迴

睿照於丁函青玉白銀璽

聖聰於丙夜

攬八代文章之府響震盛唐

嘉千秋柱史之林根盤仙李仰惟

聖祖仁皇帝軒琴協雅宣六義於龍蹲

虞管諧韶播八音於夔拊一十函編周甲幹詩式駢羅九百

卷架列壬籤唐音統貫

續承

前聖緝詩文而言各一家潤飾

欽定全唐文

表

三

鴻猷合唐虞而書成二典自昔晉陽雲起同時多接武之

賢祇今奎度星明

盛代布右文之教爰

勅蘭臺羣儒同務編摩

特頒芸閣琅篇俾勤校勘溯自楚天遺珮童蒙拾芳草之

枝漢代留聲髦譽守繡絲之製鄴中七子較班馬以

風漓江左六朝暨陳隋而體濫大抵竽吹一一鳥談

同同鼓萬竅而共聲錯千逵而合軌疇能復古返大

輅於椎輪爭事翻新薦雕盤以華實於是紫虹貫斗

白雀栖牙天人開鴻藻之章上下競龍騰之管丹青
帝製作者七人纂組臣篇都為千帙坤闡黼翰光分
團扇之城震殿瑤箋彩接翦圭之彥詠霓裳於重陞
臺閣摘華載漁具以扁舟江湖擢秀蕙心蘭質紫芳
緒於旋機象教羽流演靈文於真籙推之雅陳巷伯
款納車師亦各同分繡虎之才共握靈蛇之珥有石
室縱橫之筆有金閨博麗之英有凌顏轢謝之雄有
演緯摹元之手聳壑昂霄之質峭拔千尋渡河擘海
之辭雄奇萬狀瓊杯玉笋侑之以元酒大羹覲服銖

欽定全唐文表

四

衣佩之以純鈎巨闕盧牟祖構孚甲新裁接萼承跼
春華歸於秋實鈎心鬪角人巧匹乎天工統元會為
機鈴作古今之綜軸是則不觀解尾無以驗陽冰陰
火之同生不到渭源無以徵內籙外編之並育謂柳
韓變燕許詎知伯玉之首鳴謂說頤變王楊未識嘉
謨之前導萃四門之子弟私淑尚有孫劉濬萬古之
江河遙溯非無李段彼崔蘇美錦可方宋沈良金而
小杜雄鋒亦抗中山峻辨別有猗玗洞口名標酒漫
漁聲絳守居中字詭瑤翻碧漱莫不五家五隊耀金

翠之大觀四正四奇極鳥雲之幻態而況鷄林貫去
豐碑照九譯而遙麟屬持來寶翰壓千門而徧百家
騰躍萬手傳鈔乃陶叔獻之所收香難復識若賀志
同之所採俚又堪譏攬姚氏之一編漏張登之三賦
而且專取古初之格都刪偶儷之言翻磨吏部之碑
轉益文昌之碣自渝其例謂談理而體爽正宗徒發
其凡謂論文而訣非崇古蓋必全犧解後千蹠嘗來
而後駢散可別其裁盛衰得提其要開國聚匡劉之
輩議禮即以考文頽風沿宣懿之朝知人匠之論世

欽定全唐文表

五

惟是英華舊帙雍熙之副墨無存冊府遺編欽若之
元刊已替載沿玉格改襲金根欲窺豹於藏山在然
犀而照水所賴恭承
指示
親定體裁
詔廣旁搜
許窺中祕龍賓虎僕儲縑素於
西崑玉躋金題探圖書於
東壁集成萬卷嶽峙淵涵永樂四聲繩聯珠貫與圖曉

展金壺流翠墨之香薄錄宵陳鐵網貯紅珊之影罄
珠林之三藏貝葉芳搯抽雲笈之七籤芝函潤挹豈
但書讎劉宋憑劉氏以訂全文史校薛歐資薛編以
存遺策共覩豐城之寶氣迴徹層霄始知懸圖之瑤
華遠超羣玉由是聲蜚大筆搜燕國之遺文譽妙輕
縑補曲江之雅製檢嘉祐平原之刻備美吳興訪靈
巖北海之碑拾遺山左權文公絲綸世掌九年之內
制重哀劉賓客珠玉家藏十卷之佚篇復合一品勘
會昌之集增以撫言三縑酬皇甫之才掇諸大典獎

欽定全唐文

表

六

南則表箋總括快乙集之新排江東則掌記久湮幸
讒書之可購他若青茸白腋綴成皆黼大之章黃穀
赤瑛拈出盡圭同之瑞其人總總其旨多多驚臺鷄
樹之宣鳳口鹿盧之勅內相則蓮藥夕拜中書則薇
省晨趨校自史宓次百卷綸言之集戢從文海補四
篇制草之名上儔壹戎定業之初下洎五季餘分之
末或退入臣行之列或附登帝集之中風會遞遷雲
章彌綯更復詳稽樂石銘徵丑鳳之軼博考吉金篆
拓黃龍之鼎剔翠苔而摹峒嶮披金薤而擢琳瑯寶

新出於曹全訂續增於洪造以及藝文全蜀專羅一
郡之賢寰宇太平徧肇九州之記叢殘必拾增採蔡
繁茂別集於

紫庭種幾盈百甄逸材於

丹軸數更踰千若夫文似而消有盈川之附編庾集體
殊而舛如和叔之列表徐箋門櫛雙銘因並登而刪
羅袞盧楊兩傳緣歧出而削李華黜比干碑於翰林
集中登令狐疏於文泉子內蕭穎士泛舟之序無取
陳鴻李子卿張樂之篇必歸錢起記誅茅於邕州亭

欽定全唐文

表

七

上援柳集以汰毗陵賀瑞羽於興慶池頭審權文而
裁穀士顗須畫一名不歧雙乃尋辨體一書遂補闕
名百賦聞微索隱別類分羣劒已化於延津珠仍還
於合浦從此賦成文鹿共知姓屬公孫詩詠牽牛復
使卷題枚叔至滎陽改玉溪生之作猶昌黎效玉川
子之詩盧韓既別卷以分收李鄭亦離文而互載又
或君臣合撰銘鐫后土之靈祠父子繼成碣表邠王
之長史管同宮而異曲花接葉以分枝其他李翱平
賦之書實泉述書之賦譬水經於酈氏注有雙行等

地志於班生文多旁綴則亦體仍其舊義取其詳例
倣蕭書附彈文以獻牘譌殊戴記混傳說於經言慶
善本之儲藏讀從

渠閣華羣編而鈎考衡以

瑯函至若劉朝霞獻賦於溫泉李樂師上書於華嶽王
子安之贊傳大士施肩吾之會記羣仙或體襟於俳
優或名疑於依託則必翦榛集翠翠乃蒙茸焚艾留
芝芝方菌蠢晉家宣武列眉御贊之篇唐代褚喬續
尾臣工之傳劉知幾之通羣史羅昭諫之著兩同或

欽定全唐文表

八

非馬之枝流或良狐之衿裔所貴裁以摯虞之流別
證諸劉勰之品題至於黃石傳書碧駮騰謗侮真靈
於嵩華託行紀於周秦何取擣擗轉傷鉤鉅惟誌怪
搜神之語多涉虛誣與香奩脂盞之詞概從芟汰欽
承

聖訓斗車指昧以旋杓恪稟

天裁尺璧抵瑕而屏櫝若乃出風入雅貞符柳子之言佩
實銜華聖德韓公之表越王樓迴飛奇藻於宗師雲
母泉甘灑清詞於遐叔怨寄湘中之解丹留月下之

題送晁監以浮溟贈瑗公而歸嶽義關比興詞託掄
揚昔曾

載入全函詩有分標之序茲

特垂爲定本文無互見之辭貴別錄以單行慎會函而複
出又若半千名重或疑前代之材長吉詞豪早訂忘
年之契必欲輯通侯之月表繪學士之瀛圖稽名錄
於天隨据姓源於柳氏而後李膺郭泰證以偕仙老
子韓非斥其同傳臺省金鼇之奏存某月以待核其
人科名玉筍之班因同題而進稽其世亦復隱徵梅

欽定全唐文表

九

里會考蘭亭六逸尋溪三生訪石或題橋畫壁舊字
籠紗或誌水銘山殘題齧薜粉榆社在詢者舊於襄
陽榮戟門傳叙搢紳於洛下則且倣統籤之例並紫
色而兼羅比記載之規附金行而共著下車封宋乞
降修表以名家投閣美新勸進題箋而居首開府暮
年之詞賦司徒去國之山河雖史改以名仍竟官同
而代異此則集登騎省斷從開寶之前碑錄鵝池驗
以晉安之搨復有致堯感憤表聖歸休力窮無迴日
之戈身遠有依天之笏斯固留侯挾策未嘗屈節於

祖龍徵士編詩祇可繫年於司馬等詩函之附編餘
閨義寓繩

先俾文譽之得表孤忠理存彰往且夫舜英堯韭周益公所
以參稽裝仗席颿彭叔夏因而辨證元本雜收甲乙
之集其閒頗沿丁子之譌宋有王珪乃併制詞於叔
玠唐無徐勉竟收賦句於修仁緣漢章之號亦肅宗
馬嚴疏載取鮑出之傳於魏略魚豢名臚葺馮志亨
黃籙碑銘下侵元代蒐尹義尚與齊書啟上列陳賢
組表韋琳梁才遠借虎圖李翰蜀本重編可頻瑜見

欽定全唐文表

十

漁仲之書忘爲複姓宇文道作蘭成之序羣入前朝
母嬰母嬰舛由形似蔣防蔣訪素以聲同唐元度校
正九經殷盈孫熟精三禮乃名存而姓佚致畛別而
區分著元翰而復出崔鵬昧文成之即爲張鷟鳳兮
本一豕也譌三原其多誤之由蓋亦未成之本所愧
削除不盡訂譌有俟於

宸衷習俗相承

詔改得祛其燕說偏旁審定庶期糾謬於吳鎮同異參詳
共效決疑於王述以英華爲嚆矢仍訂英華以冊府

爲濫觴更箴冊府凡此宏綱細目一稟酌於
睿裁史例經凡悉規隨於

聖證貢琛鵲岫約寸寸之朱絲分繭駕機取純純之錦段
排阜相渥洼之馬流電浮雲披沙揀林邑之螢紫磨
黃盪例則同乎文鑑括一世之宏材源則導自選樓
接千年之隆緒此疆彼界異吳訥之強區翦謬疏蕪
退凝真之類纂人人繫傳種種分條刻楮葉以多年
成藝林之勝事_臣等業疏提榘職在操觚管窺蒼昊
之高錐畫黃神之廣幸得身依

欽定全唐文表

十一

楓陛手校蒲編黼黻
皇猷邁房杜遭逢之盛笙簧
聖籍企常楊著作之才五辰運啟乎棣通二酉學資其津
逮况復周情孔思道源
談虎觀之經義畫倉鉤文囿
覽鴻都之典探元珠於赤水
甲令星懸掃落葉於青山寅衷冰惕百川宗解導萬壑以
增流五緯躔箕拱

三垣而煥彩合二史甄收新舊一千卷輯文苑文藝之遺

與全詩輝映後先億萬年頌

不顯

不承之盛臣等無任瞻

天仰

聖踴躍歡忭之至謹奉

表恭

進以

聞

欽定全唐文表

十三

嘉慶十九年閏二月

日

奉

旨開列編校全唐文諸臣職名

正總裁官

經筵講官 太子少保 文華殿大學士 文淵閣領閣事 尚書房行走稽察欽奉 上諭事件處會典館正總裁管理刑部事務世襲騎都尉 臣 董誥

原任 經筵日講起居注官 太子少師 體仁閣大學士 翰林院掌院學士 管理工部事務世襲雲騎尉 臣 戴衢亨

經筵日講起居注官 太子少保 體仁閣大學士 文淵閣領閣事稽察欽奉 上諭事件處翰林院掌院學士會典館正總裁管理工部三部事務 臣 曹振鏞

副總裁官

經筵講官 太子少保 吏部尚書 文淵閣提舉閣事總管內務府大臣管理宸苑 清漪園等處 咸安官學西洋堂事務正藍旗滿洲副都統步軍統領 臣 英和

經筵講官 戶部尚書 武英殿總裁 臣 潘世恩

欽定全唐文職名

一

經筵講官 工部尚書會典館副總裁 臣 周兆基

經筵日講起居注官 吏部左侍郎管理 咸安官學光祿寺事務翰林院掌院學士教習庶吉士 武英殿總裁正紅旗滿洲副都統 臣 秀寧

前任 經筵講官吏部右侍郎 臣 卞承瀛

原任 經筵日講起居注官 戶部右侍郎管理錢法堂事務總管內務府大臣翰林院掌院學士 武英殿總裁鑲黃旗滿洲副都統 臣 覺羅桂芳

刑部右侍郎 臣 陳希曾

總閱官

工部右侍郎管理錢法堂事務今任漕運總督 臣 阮元

內閣學士兼禮部侍郎今任熱河都統 臣 文寧

翰林院編修今任雲南巡撫 臣 孫玉庭

原任司經局洗馬加三品卿銜臣秦承恩

日講起居注官翰林院侍講學士臣陳嵩慶

提調官

日講起居注官翰林院侍讀今任通政使司通政使臣穆彰阿

翰林院侍講今任陝西按察使臣繼昌

前任翰林院編修臣李恩繹

提調兼總纂官

原任翰林院編修臣徐松

翰林院編修今任福建汀州府知府臣孫爾準

欽定全唐文職名

二

文淵閣校理翰林院編修臣胡敬

總纂官

日講起居注官翰林院侍讀學士臣杜堦

原任日講起居注官詹事府左庶子臣法式善

原任翰林院編修臣席煜

翰林院編修今任浙江寧波府知府臣鄧廷楨

翰林院編修臣謝崧

原任翰林院編修臣陳鴻墀

纂修官

日講起居注官翰林院侍講臣彭邦嘯

翰林院編修今任吏科掌印給事中臣潘恭辰

翰林院編修今任刑科掌印給事中臣吳椿

翰林院編修今任河南歸德府知府臣謝學崇

原任翰林院編修臣洪占銓

翰林院編修臣胡開益

翰林院編修臣盛唐

文淵閣校理翰林院編修臣董桂敷

翰林院編修臣何彤然

欽定全唐文職名

三

翰林院編修臣魯垂紳

翰林院編修臣程德楷

翰林院編修今任山東道監察御史臣周壽椿

翰林院編修臣陳官俊

翰林院編修臣陶樑

翰林院編修臣董國華

原任翰林院編修臣陳傳經

翰林院編修臣謝階樹

翰林院編修臣周之琦

欽定全唐文

欽定全唐文
職名

翰林院筆帖式	臣德慶
翰林院筆帖式	臣斐英阿
翰林院筆帖式	臣那彥福
翰林院筆帖式	臣門裕安
翰林院筆帖式	臣福盛泰
原任翰林院筆帖式	臣博琳
翰林院學習筆帖式	臣福秉泰
翰林院學習筆帖式	臣寶桂
翰林院學習筆帖式	臣福寧

欽定全唐文
職名
六

監刊官	督理兩淮鹽政臣阿克當阿	兩淮都轉鹽運使司鹽運使臣劉澐	原任兩淮都轉鹽運使司鹽運使今候選道臣廖寅	護理兩淮鹽運使淮南監掣同知臣巴彥岱	刊校官	前任都察院左副都御史臣莫晉	前任日講起居注官翰林院侍讀學士臣吳鼎	前任國子監祭酒臣吳錫麒	欽定全唐文職名	右春坊右贊善臣程壽齡	翰林院編修臣秦恩復	翰林院編修臣施杓	前任翰林院編修臣石韞玉	禮科給事	中臣趙佩湘	前任戶部郎中	中臣江漣	原任刑部郎中	中臣谷際岐	內閣中書	書臣黃文輝	原任吏部郎中候選道臣貴徵
-----	-------------	----------------	----------------------	-------------------	-----	---------------	--------------------	-------------	---------	------------	-----------	----------	-------------	------	-------	--------	------	--------	-------	------	-------	--------------

前任 山東 督糧道 臣孫星衍

前任 山東 沂州府知府 臣洪梧

原任 廣西 鎮安府知府 臣汪端光

欽定全唐文 職名

八

凡例

一 全唐文序次首諸帝次后妃次宗室諸王次公主

五代亦依此序次其十國主附五代後次臣工次

釋道次閨秀悉遵

聖祖仁皇帝御定全唐詩體例至官官四裔各文無可類從

附編卷末

一 原書制誥別立一門與全書體例未協今以見各

人文集者歸其人本集無撰人姓氏者按世次編

入帝王集內

欽定全唐文 凡例

一

一 原書批答即載本文之後體例未協今按世次改

歸帝王集內

一 開元禮所載祝文及冠昏諸辭雖定自開元實則

一朝通制全書具存不復登載

一 是書卷帙繁重故變自來總集之體以文從人謹

遵全唐詩例各自成卷其文體分類詮次仍依文

苑英華以昭畫一

一 唐人別集

四庫全書所載多至九十餘種其中專以詩行者不過

十之三四其餘文集悉行甄錄

一文集外總集如古文苑文苑英華唐文粹崇古文

訣文章辨體彙選等書凡唐人之文悉行甄錄

一總集外文之散見於史子雜家記載志乘金石碑

板者概行蒐緝惟文出譜牒私錄無可徵信者不

濫登

一永樂大典爲遺書淵藪除

四庫全書所已采外單篇斷簡蒐緝無遺

一釋道兩藏亦概蒐緝其經帙有分章系序者惟取

欽定全唐文 凡例

三

總序至章咒偈頌及體類文而自成一書者不備

載

一文章流別辨體貴嚴唐人著作自成一書者

四庫全書分別史子門中如溫大雅大唐創業起居注

王方慶魏鄭公諫錄劉子元史通劉肅大唐新語

羅隱兩同書邱光庭兼明書之類既不名之以集

即不可概之爲文他如薛用弱集異記谷神子博

異記搜奇語怪自成小說家言今概從刪其書中

有自叙及載唐人序文跋語仍復登載

一表疏聯名同進無可考信爲何人作者以首列一

人爲主陳振孫書錄解題云舊例修書止署官高

一人名銜今用其例

一集外之文誤入他人集中如楊炯彭城公夫人爾

朱氏墓誌伯母李氏墓誌誤編入庾信開府集之

類今俱刊正改入

一文有撰人姓氏歧出如邕州馬退山茅亭記見柳

宗元河東集亦見獨孤及毘陵集盧坦之楊烈婦

二傳見李翱文公集亦見李華遐叔集今各訂正

欽定全唐文 凡例

三

歸於一是其無可證據不能確定爲何人作者於

本文下注明亦見某人以省重複

一文有兩人同撰如宗廟加籩豆議則韋述張均同

議定服制議則魏徵令狐德棻同議皆依修書用

官高之例歸載他如西嶽太華山碑銘后土神祠

銘銘爲張說撰序爲元宗製郊王府長史陰府君

碑銘爲張說撰序爲其子均作皆各歸本集分載

一文有異同較多如鄭亞改李商隱會昌一品集序

文義俱優不能刪彼存此謹遵全唐詩韓愈改盧